


長阿含十報法經卷上

二百八十一
容七

49570



元祿九年丙子二月日重脩

皇圖瓊閣 帝階綴昌

佛日增輝 懋輪崇轉

山城州天安寺法金剛院置



長阿含十報法經卷上

後漢三藏法師安世高譯

容

七

聞如是佛在舍衛國祇樹給孤獨園是時賢
 者舍利曰請諸比丘聽說法上亦好中亦好
 如竟亦好有惠有巧最具淨除至竟說行聽
 從一增至十法聽向意著意聽說如信諸比
 丘容七從賢者舍利曰請願欲聞舍利曰便說從
 一增起至十法皆聚成無為從苦得要出一
 切惱滅



第一一法行者竟無為但守行

第二一法可思惟意不離身

第三一法可識世間鹿細

第四一法可棄憍慢

第五一法可著意本觀

第六一法多作本觀

第七一法難受不中止定

第八一法可成令意止

第九一法當知一切人在食

第十一法當證令意莫疑是行者十法是不

非是不異有諦如有不感不倒是如有持惠

意觀

第一兩法行者意無為當有意亦當念

第二兩法可增行止亦觀

第三兩法當知名字

第四兩法可捨癡亦世間愛

第五兩法當除不愧不慙

第六兩法難定兩法不當尔尔

第七兩法當知當不尔尔

第八兩法可求盡點不復生點

第九兩法可識人本何因緣在世間得苦亦

當知何因緣得度世

第十兩法當自證惠亦解脫是為行者二十

法是不非是不異有證如有不惑不倒是如

有持惠意觀

第一三法行者竟無為事慧者亦聞法經亦

當觀本

第二三法當思惟欲念定不欲但念亦不欲亦不念

第三三法可識欲有色有不色有

第四三法可捨欲愛色愛不色愛

第五三法可捨本三惡貪欲惡瞋恚愚癡

第六三法可增無有貪欲本無有瞋

恚本無有愚癡本

第七三法難受相定相定止相定起相

第八三法可作三治向空不願不想

第九三法可識三痛樂痛亦不樂亦不苦痛

第十三法自證惠不復學從本來亦往生小

無所應除是為行者三十法是不非是不異

有諦如有不惑不倒。是如是有持惠意觀。
第一四法行者。竟無為天人輪好。那居依惠。
人自直願宿命有本。

第二四法增行四意止。自觀身觀內外身觀。
莫離意知著意。離世間癡惱痛癢意法亦如。

觀身法

第三四法可識四飯。搗飯樂飯念飯識飯。

第四四法可捨四癢。欲癢意生是癢。戒願癢。
受身癢。

第五四法可滅四失。戒失意是失。行失業失。

第六四法可增四成。戒成意是成。行成業成。

第七四法難知四諦。苦諦習諦盡受滅苦諦。

第八四法令有四點若點習點盡點道點

第九四法可識四相識少識多無有量無所
有不用識知多知無有量知無所有不用智
知 第十四法自證一法身當知二法意
當知三法眼當知四法慧當知是為行者四
十法是不非是不異有諦如有不惑不倒提
如有持惠意觀

第一五法行者竟無為五種斷意何等五道
弟子有道信有根著本無有能壞者忍辱亦
仙人若天若魔若梵亦餘世間耶亦無有匿
無有態真直如有身行意著道慧同行身亦
少病安善如應持腹行身不大寒不大熱無

有患時和令消飲食嗽令身安調發精進行
有瞻精進方便堅得好法意不捨方便寧肌
筋骨血幹盡精進不得中止要當得所行行
慧從起滅惠得道者要不厭行直滅苦是五
種新意

第二五法可增行德者五種定行道弟子是
身自守得喜樂澆漬身行可身一切四無有十

容七

處不到喜樂從自守樂譬惠浴者亦惠浴弟
子弟子持器若杵若釜澡豆水漬已漬和使
澡豆著臍內外著臍不復散從漬臍故道行
者亦如是是身自守愛生樂漬和相近相著
身一切無有不著從自守喜樂道弟子是五

種定是上頭行

亦有道弟子是身已定喜樂澆漬身行可身
一處無有不到從定喜樂譬阪頭泉水池亦
不從上來亦不從東亦不從南亦不從西亦
不從北但從泉多水潤生徧泉水為泉澆漬
無有一處不到水冷水道弟子行如是是身
定喜樂澆漬身行可徧身一切無有不到從
定喜樂道弟子是五種定是為第二行
亦有道弟子是身不著愛著樂相連至到相
促相可徧一切身到不喜樂譬如蓮華水中
生水中長至根至莖至葉一切從冷水徧澆
漬徧行道弟子身亦如是從無有愛樂澆漬

可一切身徧從無有愛樂道弟子是五種定
是為第三行

亦有道弟子是身淨意已除受行成行身中
無有一處不到從淨意除意譬如四姓亦四

姓子白氎若八丈九丈人頭足徧裏身徧無

有不到從白氎淨氎如是道弟子是身淨意

除容七意已一五有行一切身無有不到已覆淨意除

意道弟子是五種定是為第四行

亦有道弟子受身觀諦已熟念熟居熟受譬

如住人觀坐人坐人觀卧人道弟子行如是

受行相思惟熟受以熟受熟念熟事熟受道

弟子是五種定是為第五行

第三五法當知五種一為色受種二為痛受種三為想受種四為行受種五為識受種

第四五法當捨五蓋一為愛欲蓋二受瞋恚蓋三為睡眠蓋四為戲樂蓋五為悔疑蓋

第五五法可當滅五心意釘若學者不信道疑不下不可不受如是心意一釘為未捨坏

受道法教戒故亦如有學者有道散名聞慧者同學者持惡口向喙勤意離憍侵若有道

名聞者惠者同學者持惡口向喙勤意離憍侵如是是為五心意釘未捨

第六五法當增道五根一為信根二為精進

根三為意根四為定根五為惠根

第七五法難受五行得要出若道弟子熟受
道不念愛欲意不暑欲意不可欲意不止欲
意不度欲意縮意思不起意不用意却意
穢不用惡譬如雞毛并筋入火便縮皺不得
伸如是見道弟子行堅意不念愛欲便不用
愛欲便不可愛欲意不隨愛欲意便縮意便
容七縮意不起便出念道欲行已出意生意堅意
不意止意解意不縮意不惡意起意無所礙
無所用意安隱為意行故熟行故

若復生從愛欲因緣結惱憂念為已從是解
止不暑得離不復從是因緣痛癢行如是行
者從欲得度瞋恚不瞋恚侵不侵色不色若

道弟子堅意不獲念身已堅意不念身便不
欲身不可身不住身意不隨愛欲便惡意起
譬道弟子如鷄毛筋入火便縮便皺不得伸
道弟子亦如是已見堅不獲念身意不可身
意不著身意不度意縮意惡意不起自守生
止惡可惡念無為欲度身念度身為無為意
勸意可意止意度意不縮意不惡意便伸念
無所礙無所用意隱止從行熟行故
若從身因緣生罪惱憂緣生罪惱憂已從是
解止不著度不獲從是因緣更痛道弟子如
是從身得要出

第八五法今生起道五惠定道德者無所著

無所供從是一惠內自生

是定恒人不能致惠者可如是二慧內起生
是定從一向致得猗得道行如是三慧內起
生是定見致樂行受亦好如是四慧內起生
是定從是定自在坐自在起如是五慧內起
生第九五法當知五解脫若學者道說經從
道聞亦慧又說從惠人聞亦同學者聞已如
說聞知法義行已解法便解義已解義便受
已受便善已喜身樂已樂便意定定意如有
知如有見已如知見便却不用已不用便不
著已不著如便得解脫是行者一解脫

已行者得住未正意得正意未定意得定意

未解結得解結未得無為便致無為或時佛亦不說經慧者同學者亦不說經但如聞如受竟便自諷讀是行者二解脫

或時佛亦不說經慧者同學者亦不說經但如聞法如受法具說學者是行者三解脫或時佛不說經學者但如聞如受法獨一處計念若如聞如受法具諷讀便如應解如法解是行者四解脫

或時不如聞不如受亦不計念但從行取一定相熟受熟念熟行已受定相熟受熟念熟行熟隨便如法便如應解便如法解已如應解已如法解便可生已可生便哀生已哀生

便身樂便身知樂已樂意便止便如有知有
見便悔已悔便不欲已不欲便得解脫是行
者五解脫若道行者得是止得是行意未得
止便止意未定便定結未盡便盡未得度世
無為便得度世無為

第十^{容七}五法身證知一不學陰二不學戒三不

學定四不學慧五不學度世解脫是學者五
十法是不非是不異有諦如有不惑不倒
是如有持惠意觀

第一六法者意無為不共取重等身行止在
佛慧同學者是法不共取重從是得愛從是
得敬可意已得愛已得敬行聚合不諦訟一

向行定致忍等口言等心行所有戒行不犯
不穿不緩不藏不失為有道者可具足行如
是輩行戒者我亦戒者當應比共慧者同学
者所求道要厭者但行直滅苦如是輩我亦
如是輩應比共慧者同学者是法不共取重
亦若所有利法致從法得一切所得在隨器
中如是利當為同学共無有獨匿是法不共
取重為從是愛得敬得可意已得愛已得敬
已得可意已得行得合得聚不諱不訟一心
得定從是致忍

第二六法護行六共居眼見色亦不喜亦不
惡但觀行意正知耳鼻口身意法觀亦不喜

亦不瞋但觀止意不忘

第三六法可識六內入眼內入耳鼻口身意

內入

第四六法可捨六愛眼更愛耳鼻口身意更

愛 第五六法可減六不恭敬一為不恭

敬佛二為不恭敬法三為不恭敬同學者四

容七

為不恭敬戒五為惡口六為惡知識

九

第六六法可增六恭敬一為恭敬佛二為恭

敬法三為恭敬同學者四為恭敬戒五為好

口六為善知識

第七六法難受六行度世若有言我有等意

定心已行已有復言我意中瞋恚未解便可

報言莫說是何以故無有是已等心定意已
行已作已有寧當有顛恚耶無有是何以故
有等心定意為除瞋恚故

二為若行者言我有慈意定心已作已行已
有但有殺意不除可報不如言何以故已慈
心定意已行已作已有寧當有殺意耶無有
是何以故已有慈意定心為無有殺意

三為若學者我有喜心等定意已行已作已
有但意不止不可報言莫說是何以故無有
是已有等意定心已行已增已有寧不定不
可耶無有是何以故等意定心為除不可不
定故

四為若學者言我有觀定意已行已作已有
但愛欲瞋恚未除可報言莫說是何以故已
有觀定意便無有愛欲瞋恚

五為若行者言我無有疑但意不能可報言
莫說是何以故解要無有疑故

六為若行者言已得定意已足但意往念識
容七可報亦如言無有是亦不應是念得定意無

所念已足復意行念識無有是何以故意已
得度者不應復念

第八六法當令有六念一為念佛二為念法
三為念同學者四為念戒五為念與六為念
天 第九六法當知六無有量一為見無

有量二為聞無有量三為利無有量四為戒
無有量五為事無有量六為念無有量

第十六法證自知六知一神足二徹聽三知
人意四知本從來五知往生何所六知結盡
是行者六十法是不非是不異有諦如有不
感不倒是有持慧意觀

第一七法行者意無為七寶一為信寶二為
戒寶三為愧寶四為慚寶五為聞寶六為施
寶七為慧寶

第二七法可行七覺意一為意覺意二為分
別法覺意三為精進覺意四為可覺意五為
猗覺意六為定覺意七為護覺意

第三七法當知七有一為不可有二為畜生
有三為餓鬼有四為人有五為天有六為行
有七為中有

第四七法可捨七結一為愛欲結二為不可
結三為樂有結四為自憍慢結五為邪結六

為癡結七為疑結

容七

第五七法可滅惡人七法一為不信二為無

一

十一

有愧三為無有慚四為無有精進五為忘意
六為不定意七為無有慧

第六七法增慧七慧者法一為信二為愧三
為慚四為發精進五為守意六為定七為慧

第七七法難受知七識止處有色身異身異

相譬如或人中或天上是為一識止處
有色若于身一想譬如天上天名為梵上頭
有是為二識止處

有在色處一身一想譬如天名為自明是為
三識止處

有無有色處行者一切從色度滅恚念無有
量行止譬如天名為空是為四識止處

有無有色處行者一切從空得度行識無有
量止譬如天名為說·是為五識止處

有不在色行者無有想亦不雜想譬如天名
為無有想是為七識止處

第八七法行令有定意一為直見二為直念

三為直語四為直法五為直業六為直方七為直意

第九七法當知七現因一為若道行者意在佛信入道根生住無有能壞若沙門若婆羅門若天若魔若梵亦餘世間行者二為持戒守律攝戒出入成畏死罪持戒學戒三為有容七好知識有好同居有好自歸四為獨居不二十二共牽行牽身牽意五為持精進行堅精進行不捨道法方便六為意為計寧身肌筋骨幹壞但當所應行者發精進七有瞻者堅血行者不捨方便者道法行應得已未得精進不得中止守意行最意持行自久行久說意不

忘七為念慧行知生滅得慧意是為七現恩
 第十七法當令有證一有法二有解三知時
 四知足五知身六知象七知人前後是行者
 七十法是不非是不異有諦如有不感不倒
 是知有持慧意觀

長阿舍十報法經卷上七

容

搏飯官上徒癢痒二同態他代澆漬上古堯反

血鞞下或扞正作阪音反白氈下音喙許緘縮

皴上所六反
下則瘦反

山城國綴喜郡薪村

靈瑞山酬恩卷沙門宗桂書寫之

